

VICTORY HMONG ALLIANCE CHURCH

“Be imitators of Christ living together in victory”

1 Corinthians 11:1; 15:57-58



602 Acewood Blvd - Madison, WI - 53714 - www.victoryhmong.org

TSAVNTAWV TSHAJXO (NEWSLETTER)

AUGUST 2021



SENIOR PASTOR:


Kx. Tswv Tub Vwj

Nyob zoo cov ntseeg sawvdaws. Thov Vajtswv nyob nrog nraim

nej txhua tus. Vam hais tias nej tseem yuav noj qab nyob zoo li qub. Txawm kuv tsis tau tuaj xyuam nej txhua tus los kuv yeej paub hais tias nej tseem nyob zoo. Ua tsaug rau nej kev thov Vajtswv pab rau wb ob tug xibhwb thiab wb tsevneeg, rau cov thawjcoj, thiab rau peb cov tswvcuab txhua tus. Lub hlis no sawvdaws nyob tsis muaj xwmtxheej tsis zoo tshwm raug ib tug twg. Ua Vajtswv tsaug rau nws txojkev hlub thiab kev tabncuab peb sawvdaws. Lub xya hli los yeej muaj ntau yam tiav mus rau qhov zoo. Lub yim hli no los yeej muaj ntau yam rau peb sawvdaws thiab. Muaj rooj sablaj txwmxyoo, muaj rooj hu nkauj rau peb pawgntseeg, muaj rooj cobqhia cov xibhwb thiab niam xibhwb, muaj peb cov tswvcuab coob tus mus tsham (vacation) thiab lwm yam. Txawm li ntawd los, sawvdaws nyob dhia rnees. Yog peb yuav tig saib rau lub yim hli no xwb, Vajtswv twb pab peb ua tau ntau yam tiav lawm. Yog li cia peb ua Vajtswv tsaug rau txhua yam nws foom koobhmoov rau peb. Qhov loj rau lub yim hli no yog peb yuav tig los ua koobtsheej nco txog Vajtswv txojkev hlub peb pawgntseeg uas nws pub rau sawvdaws koomtes them peb lub

tuamtsev tas lawm. Ua sawvdaws tsaug rau txojkev hlub Vajtswv thiab pawgntseeg. Qhov no yuav yog ib qho keebkwm zoo rau peb pawgntseeg ntev-ntev mus rau yav tomntej. Cia peb txhua tus sib koomtes li no zuzus ua Vajtswv haujlwm mus ntxiv. Thov Vajtswv foom koobhmoov rau nej txhua tus.

Pawgntseeg Lub Tuamtsev



TXOJLUS TXHAWBZOG: “Koj Yuav Fij Dabtsi Rau Tus Tswv Txhua Hnub?”

Tus Sau: Kx. Tswv Tub Vwj

Loos 12:1 hais tias, *“Cov kwvtij, Vajtswv hlub peb kawg nkaus li, yog li ntawd kuv thiaj ntuas nej hais tias thaum nej tseem ua neej nyob no, nej yuavtsum muab nej lub cev fij rau Vajtswv kom dawbhuv thiaj haum Vajtswv siab. Yog nej ua li ntawd, thiaj yog nej pehawm Vajtswv raws li Vajtswv siab nyiam .”*

Qhov peb yuav ua tau lub neej haum Vajtswv siab thiab muaj lub neej dawbhuv rau ntawm Vajtswv, yog peb yuavtsum tau muab peb lub neej fij rau Vajtswv. Qhov peb yuav dawbhuv tau txhua hnub, ua yam

zoo thiab ncajnrees txhua hnuv, thiab muaj lub neej ntseeg loj hlob zuzus txhua hnuv, yog peb yuavtsum muab peb tus kheej fij rau Vajtswv. Kx. Paulaus hais tias cia peb muab peb lub cev thaum tseem muaj sia nyob no fij tagnrho rau Vajtswv. Qhov no thiaj yog qhov ua qhia tau rau Vajtswv hais tias peb txaus siab cia Nws ua peb tus Tswv tiag.

Peb qho loj nyob rau ntawm peb uas yuavtsum muab fij rau Vajtswv txhua hnuv yog: 1). Fij peb tus kheej, 2). Fij peb kev xav, thiab 3). Fij peb txojkev pehawm.

Thaum peb fij tagnrho peb tus kheej rau Vajtswv txhua hnuv yog peb cia Vajtswv ua tus coj thiab tswj peb kom txawj nqistes ua yam zoo thiab haum Nws siab. Thaum peb fij peb kev xav rau tus Tswv txhua hnuv yog peb cia Vajtswv txojkev xav ua qhov tsuas peb lub hlwb kom peb xav qhov tseeb thiab yog. Thiab thaum peb fij peb txojkev pehawm rau Vajtswv txhua hnuv yog peb muab Nws ua tus loj tshaj thiab tseemceeb tshaj rau peb lub neej. Peb yuav tsis tig mus muab peb lub siab, lub ntsws, thiab txojkev ncajnrees pub rau lwm tus. Peb tsuas cia Vajtswv ua tus loj tshaj rau peb xwb.

Los ntawm qhov peb fij peb yam no rau Vajtswv txhua hnuv, peb yuav muaj lub neej haum Vajtswv siab.

Xh. Charles Studd, uas yog ib tug Xa Moo Zoo, hais tias, *“Yexus Khetos uas yog Vajtswv kiag twb kam tuag rau kuv, yog li yeej tsis muaj ib yam dabtsi uas kuv yuav tsis kam muab fij rau Vajtswv.”*

Yeej tseeb tiag! Yexus twb yog Vajtswv kiag. Nws twb yog tus loj tshaj thiab zoo tshaj txhua yam; nws txaus siab hlo muab nws tus kheej fij tuag theej peb txhoj. Yog li yeej tsismnyog peb muab peb tus kheej, peb kev xav, thiab peb kev pehawm fij rov rau Vajtswv txhua hnuv. Thaum peb ua li no, peb ua qhov khoom fij zoo tshajplaws rau Vajtswv.

Yog li cov phoojywg! Cia koj thiab kuv muab peb tus kheej fij tagnrho rau Vajtswv, ua qhov koom zoo pub rau Nws. Cia peb muab Vajtswv ua qhov tseemceeb tshajplaws rau peb. Cia peb muab Vajtswv ua txhua yam rau peb. Cia Vajtswv ua tus Tswv tswj thiab coj peb lub neej. Thaum peb fij tagnrho peb tus kheej rau Vajtswv, Nws yeej yuav txaus siab rau peb thiab foom koobhmoov rau peb xwb.



**ASSOCIATE
PASTOR
Xh. Isaiah Thor**

Dear Victory Hmong Alliance Church, Summer is finally coming close to an end. I am so grateful for all that God has allowed us to do and accomplish this summer. This summer we have been busy with events such as Annual Conference, HLUB, weddings, and etc. We have been so blessed to be able to attend these events and to grow in our knowledge and understanding of God. Thank you Church Family. Everything that has happened this summer would not be possible without you.

I am thankful for everyone who has helped us move into the new parsonage and for all those who came out to help us paint as well. I am thankful for Kx. Tswv Tub as well for waiting at the new parsonage while they installed the new carpet. My life has been filled with nothing but blessings after blessings all thanks to our Church Family. Although there might not be much that I can do to repay everyone for your kindness and love, may the Lord bless you on my behalf.

We will continue our Friday Night Gatherings sometime in September. We will announce the date soon in the next couple of weeks. Thank you to all who have continued to be intentional with your children and their faith. Friday Night is a resource to help our

children grow in their understanding of the Word of God, but ultimately it is the constant care and nurturing of parents and their communities around them. May we all continue to be intentional with our children who are a part of the body of Christ as well. We all together are the body of Christ.

If you have any further questions please feel free to reach out to me at Isaiahthor@gmail.com or 608-577-0578. May God bless you and your family!

LUS TSHAJXO:



1. Nqua hu peb cov tswvcuab txhua tus uas muaj hnuvnyoog 16 xyoo rov sauv suam npe ua tswvcuab dua (membership renewal). Xav kom tau sawvdaws cov ntawv suam npe tsis pub dhau lub 9 hlis xaus yuav los no.
2. Yog nej cov ua niam ua txiv leejtwg xav fij menyuum rau Vajtswv no, thov hais rau Kx. Tswv Tub paub.
3. Peb yuav ua koobtsheej zoo siab rau kev them peb lub tuamtsev tas lawm rau lub 8 hlis, tim 29 los no thaum pehawm Vajtswv.

Thiab xav kom sawvdaws nqa khoom txomncauj (dessert) tuaj hnuv ntawd rau sawvdaws tau noj uake tomqab pehawm Vajtswv tas.
4. Qhia rau peb cov tswvcuab txhua tus paub hais tias HKM tau txib Kx. Tswv Tub mus pab HKM txhais phau Vajluskub txhawb rau kev kawm (Bible Study) pib lub 10 hli no mus. Yog li Kx. Tswv Tub yuav so haujlwm hauv peb pawgntseeg thiab tshais chaw mus nyob rau nram HKM uas yog nyob Thornton, CO lawm.

5. Cov no yog tej yam lus tshajxo txog HKM lub rooj sablaj txwmxyoo xyoo no nyob rau Milwaukee, WI.

A. Kev xaivtsa:

1. **Cov Tsavxwm Tshiab uas yog tus Xibhwb (DEXCOM - Pastor):**

Kx. Nom Xyooj Hawj (CO), Kx. Tsaav Moob Yaaj (MI), thiab Kx. Vam Meej Vaj (CA).

2. **Cov Tsavxwm Tshiab uas yog tus txwjlaug (DEXOM – Elder):**

Dr. Xeerm Ntxhw Yaaj (MN), Kl. Txawj Vaag Vaaj (CA), thiab Kl. Suav Tswb Thoj (WI).

3. **Tus Cia Nyiaj:** Dr. Aly Xyooj (MN)

4. **Thawj Txivtsev:** Kl. Nom Kub Xyooj (CA).

5. **Thawj Niamtsev:** N. Kx. Nsum Thiav Vaj (CA)

B. Peev nyiaj (Budget) rau HKM rau xyoo 2021-2022 yog \$2,337,965.00.

C. **Tus yuav los hloov Kl. Xeev Nruag Xyooj ua tus saib OTS yog:**

Kx. Tsaav Axis Yaaj.

D. HKM Rooj Sablaj Txwmxyoo rau xyoo 2022 yog nyob rau Tulsa, OK thaum lub 6 hli, tim 19-24.



1. Nkide-oos yog nyob rau xeev twg?

- | | |
|-------------|------------|
| A. Xime-oos | B. Manaxes |
| C. Yudas | D. Exa |

* Mus saib hauv Cov Thawjtswj 6:15

2. Nkauli-am naij hnuv tuaj twv cov Yixalayees tau petsawg hnuv?

- A. 10 hnuv
- B. 20 hnuv
- C. 30 hnuv
- D. 40 hnuv

* Mus saib hauv 1 Xamauyees 17:16

3. Yakaunpaus sau hais tias txojkev ntseeg uas tsis muaj *dabtsi nrog* yog txoj tuag lawm?

- A. Tsis muaj kev cia siab
- B. Tsis muaj kev hlub
- C. Tsis muaj kev ncajnnees
- D. Tsis muaj kev nqistes ua haujlwm

* Mus saib hauv Yakaunpaus 2:26

THOV VAJTSWV RAU (PRAYER ITEMS):

1. Thov Vajtswv pab rau cov tswvcuab uas muaj mob. Peb kuj muaj cov hluas thiab cov laus uas muaj mob. Yog li thov sawvdaws pab thov Vajtswv rau lawv.



2. Thov vajtsw pab rau Hauvpaus Kooshaum Hmoob lub rooj cobqhia rau cov xibhwb thiab niam xibhwb uas yuav muaj rau thaum lub 8 hli, tim 19 txog rau 22.

3. Thov Vajtswv pab rau peb pawgntseeg kev nrhiav tus thawj xibhwb tshiab.

4. Thov Vajtswv rau peb pawgntseeg kev nrhiav cov thawjcoj tshiab rau xyoo tshiab tomntej no.

5. Thov Vajtswv pab rau Kx. Tswv Tub thiab tsevneeg kev tshais chaw mus rau Colorado.

6. Thov Vajtswv rau pawgntseeg lub Rooj Xa Moo yuav los rau lub 10 hli, tim 8 txog 10 uas yuav los tomntej no. Tus

xibhwb thiab niam xibhwb yuav tuaj yog Kx. & N. Kx. Tswj Hwm Hawj.

QUOTE:

“Lub neej fij rau Vajtswv yeej tsis nkim dabtsi li, tseem yuav tau ntau ntxiv xwb.”

“The life that is given to God is not a waste, but will receive greater things.”

~ Kx. Tswv Tub Vwj ~

**COV HLUAS MUS HLUB 2021
Indiana State University**

